

# JEDAN GRAD, JEDNA BORBA

Piše ko zna, smije i umije; izlazi kad treba i mora; štampa se u kućnoj radinosti.

## BORBA ZA DRŽAVU I NAROD

2018. 23 GODINE NAKON RATA	1943. U JEKU SVJETSKOG RATA
<b>Bakir Izetbegović</b> član Predsjedništva BiH, podsjeća na 5 vijekova otomanskog vladanja Bosnom kao perifernom kolonijom: "Drago mi je vidjeti izmiješane zastave Turske i BiH. Dugo smo mi zajedno. Dobro smo živjeli zajedno. Dobro smo se borili zajedno. Zadnji put, Bošnjaci su branili Tursku kao svoju domovinu."	<b>Nurija Pozderac</b> podpredsjednik Izvršnog odbora Antifašističkog vijeća narodnog oslobođenja Jugoslavije (na pitanje da li u proglas narodu u Sandžaku, većinom muslimanima po vjeroispovijesti, napisati i nešto o Turskoj, da bi ih se pokrenulo u borbu): "Kakve ja veze imam sa Turskom i Turcima?!"
<b>Milorad Dodik</b> predsjednik Republike Srpske, o ruskim investicijama koje truju i eksploatišu narod u BiH "Iskreni prijatelji, kakvi su Ruska Federacija i njen predsjednik Vladimir Putin, dugo su iza nas što nam je omogućilo da jasno definišemo naše stavove... Bez Rusije i njene pomoći i pažnje, Srpska bi imala daleko više problema. Srpska je zahvalna za aranžmane poput rafinerija ulja i nafte u Modriči i Brodu..."	<b>Josip Broz Tito</b> komandant Narodnooslobodilačke vojske Jugoslavije, na pitanje da li će Jugoslavija nakon rata biti pripojena SSSR-u "Ne smijete zaboraviti koliko se žrtvujemo u ovoj borbi za našu nezavisnost. Stotine hiljada Jugoslavena trpi mučenja i gine - muškarci, žene i djeca. Veliki dio naše zemlje je opustošen. Nemojte ni pomisliti da ćemo se tek tako odreći onoga za što plaćamo takvu cijenu."

Bitka na Sutjesci, odlučujuća bitka pete neprijateljske ofanzive, vođena je od kraja maja do polovine juna 1943. godine, kada su partizanske jedinice uspjele probiti neprijateljski obruč u blizini rijeke Sutjeske.

**Niti jedna partizanska jedinica nije se predala. Niti jedna jedinica nije dezertirala.  
Niti jedna partizanska jedinica nije odbila izvršiti zadatak bez obzira na rizik.  
Niti jedna partizanka niti jedan partizan za milost nisu molili - niti bi je fašistima dali.  
Niti jedan partizan niti jedna partizanka nisu očekivali pomoć  
ni od koga osim svojih drugova i drugarica.**

Njemački komandanti bili su potpuno zatečeni hrabrošću, organizacijom i strategijom partizana, o čemu svjedoči njihova prepiska tokom ofanzive i naknadni izvještaji.

**Partizani i partizanke iz raznih dijelova tadašnje Jugoslavije, uzdavši se jedni u druge, borili su se i ginuli za opstanak, ali i slobodu da jednom samostalno i zajednički odlučuju o svojim životima.**

Mi koji smo od njih naslijedili bolnice, škole, ceste, tvornice, vodovode, stanove:

**O čemu mi danas odlučujemo?**

- O autoputevima po našim planinama i o kreditima kojima ćemo ih plaćati?  
**NE. Odlučuju Turska i Evropska Unija.**
- O hidrocentralama koje će uništiti naše rijeke i odvući našu pitku vodu?  
**NE. Odlučuju austrijske kompanije.**
- O tome gdje će raditi ljekari i inženjeri koji se školuju na našim univerzitetima?  
**NE. Odlučuju Njemačka i ostale zemlje Evropske unije.**
- O gradnji luksuznih naselja, hotela i tržnih centara na našim oranicama i temeljima naših kulturnih i sportskih centara?  
**NE. Odlučuju bogataši iz arapskih zemalja.**
- O tome koliko će profita iscijediti iz nadničanja naših radnika i trovanja naših gradova?  
**NE. Odlučuju multinacionalne kompanije, Kina, Rusija, Evropska unija.**
- O našim penzijama i socijalnoj pomoći sirotinji?  
**NE. Odlučuju Međunarodni monetarni fond, Svjetska banka i Evropska unija.**
- O uštedama na našem zdravlju i našem obrazovanju?  
**NE. Odlučuju Međunarodni monetarni fond, Svjetska banka i Evropska unija.**
- O kreditima i kamatama za naš krov nad glavom ili pristojno liječenje?  
**NE. Odlučuju banke AUSTRIJE, RUSIJE, NJEMAČKE, TURSKE.**

**O našem zajedničkom životu, našoj privredi, našoj budućnosti odlučuju:  
 AMERIKA, EVROPSKA UNIJA, RUSIJA, TURSKA, SRBIJA, HRVATSKA, MMF, SVJETSKA BANKA**

**Kako se zovu političari koji dopuste da o sudbini zemlje i stanovništva od čijih poreza žive odlučuju druge zemlje i međunarodni centri moći ?**

## **DOMAĆI IZDAJNICI**

### **ONO ŠTO NAM DOMAĆI IZDAJNICI NE GOVORE O SAMOSTALNOSTI I SUVERENITETU DRŽAVE:**

<b>ŠTA SUVERENITET NIJE</b>	<b>ŠTA SUVERENITET JESTE</b>
Privreda krojena prema zahtjevima MMF-a, Svjetske banke i Evropske unije => budućnost u malinama, sječi šume, prodaji vode i riječnih tokova	Izgradnja privrede prema potrebama i volji ljudi koji u njoj žive, za dugoročan razvoj zajednice i svakog njenog člana => čiste industrije, naučno-tehnološki razvoj, poljoprivreda
Rasprodaja vode, šume, oranica.	Raspolaganje vodom i zemljom za potrebe i po odluci ljudi koji na toj zemlji žive.
Skupo zaduživanje za nepotrebne autoputeve.	Revizija dugova i odbijanje zaduženja za projekte po mjeri geopolitičkih interesa regionalnih i internacionalnih moćnika.
Otimanje teško zarađenih penzija po nalogu MMF-a	Beskompromisna briga o ljudima koji su cijeli svoj radni vijek gradili ovo društvo
Kupovina kredita od MMF-a uslovljenih otimanjem penzija i reduciranjem zdravstvene zaštite na minimum.	Bezuslovna briga o slabim, nemoćnim, bolesnim
Naoružavanje policije dugim cijevima radi očuvanja privilegija moćnika koji privatizuju državu	Uspostavljanje i očuvanje poretka koji služi potrebama i volji stanovništva
Maltretiranje ljudi izbjeglih pred nesrećama, neimaštinom i ratovima za račun bogate Evrope	Saradnja s narodima a ne političkim i finansijskim moćnicima i korporacijama
Davanje ljudi u roblje stranim investitorima i bankama	Izgradnja tvornica za razvoj društva i svakog pojedinca
Prekrajanje obrazovanja i siromašenje školstva radi proizvodnje jeftine radne snage za potrebe kapitalista	Obrazovanje i odgoj djece i omladine radi njih samih i privrednog i kulturnog razvoja cijelog društva
Izgradnja skupog trotoara oko Predsjedništva i drugih šarenih laža.	Izgradnja zemlje za potrebe i dobrobit svih koji u njoj žive.